

開縣志

仙釋

聖賢不尚隱恠然青牛東去白馬西來學士文人  
又未嘗不往往樂道之況道陵海明固二氏中之  
錚錚者哉作仙釋志第十九

漢

張道陵 曾寓邑之安樂山宋蘇軾有詩并序過  
安樂山山上木葉有文如道士符篆云此山乃張  
道陵所寓詩曰天師化去知何在玉印相傳世共

開縣志

卷十九

仙釋

珍故國子孫今尚死滿山秋葉豈能神又曰真人  
已不死外慕墮空虛猶餘好名意滿樹寫天書

按道陵寓開不見他說東坡亦不聞至開如果  
來開豈僅安樂山一詩哉然攷東坡紀年錄嘉  
祐四年公遊瀘渝瀘忠夔等州入峽江安樂山  
詩即作於是時或者聞開江山水之盛便道而  
訪之耶故因府志所錄始芟之而仍留之以備  
攷第云道陵得道安樂山則又屬杜撰無稽矣

唐

清公 開州人與韋處厚善舊志巴人有高僧  
清公能前知處厚出守開州問還期清公曰一年  
半載一年半載又問官何止境曰宰相須從江邊  
得處厚得守開州三年乃還文宗自江潯踐祚命  
處厚相果如清公言

柳律開州人大覺寺傳復碑云韋處厚出守開  
州與禪師柳律結方外緣遂建長湫寺於山之麓  
謁柳公居焉

明

開縣志

卷十九

仙釋

二

傳復 縣人字見初號一笑頭陀著有一笑草  
詩集行世今大覺寺碑文皆其手作爲人精通釋  
典兼貫經史達州衛承芳尚書與爲方外交

按省志經籍志載一笑草釋見初撰初不知爲  
何人及見大覺寺傳復碑名下押私印一笑傳  
心四字乃知一笑頭陀爲傳復也且復見天地  
之心是其字見初取義其爲傳復無疑惜其詩  
集散亡無存

石稿

國朝

海 明大竹人號破山曾寓縣西金瓶寺遺有袈  
袈寶扇及華嚴經祈雨輒應今惟存華嚴經共八  
十一函前後皆血書又遺牡丹一種詳見祠祀志  
寺中金瓶禪院扁額爲遂益縣榜眼李仙根書